## 開放文學 -- 神鬼仙俠 -- 東遊記 十四 蕃兵劫敗漢軍

卻說鐘高原是卜界仙子,因掌書有過,謫下界中。至此復當破陣征戰之時,正當鐵拐從空而過。一見殺氣騰騰,佇空一望,乃鐘離與蕃將大戰,鐵拐曰:'鐘離已當遇道超凡,何乃執迷不悟在此?且夷人固不可滅,收功自有其人。設使鐘離收其全功,必自封侯加爵,彼時沉溺太深,有誤大道。不若使之戰敗逃回,出迷路而超仙界,豈不美哉!'於是化作老翁,竟投蕃營而去。 卻說蕃將大敗之後,收兵計數,十萬已去八九。正思報復,無計可施,乃愁愁悶悶,坐帳沉思。忽小軍報道:"營前有一老翁來見。"不聿自思此翁並無故交,老翁來見,必有說也。命引入。老翁入帳,見不聿揖而不拜。不聿問曰:"翁來何事?"翁曰:"特來賀將軍耳。"不聿曰:"吾敗將喪兵,羞慚無地,何可賀之?"老翁曰:"將軍差矣,勝負兵家之常,若即再戰,未可量也。奈何一挫而遂喪其銳乎?吾以為漢兵得勝,其志必驕,今夜劫營,定獲全勝。況中國將星隱隱不明,難星侵之至急,今夜彼營必有大災,其兵必亂。此時將軍四面突入,彼皆以為從天而下也。豈有不勝之理哉!"言訖,即辭而去。不聿聞言大喜,便下令一更造飯,二更劫營。有末將必忽進曰:"漢將多謀,老翁之言恐有詐也。何深信之?"不聿曰:"汝言雖是,但老翁之言深合兵法,且吾亦已懷此意矣。汝但鼓勇聽令,再勿深疑。"隨即點精兵四萬,分為四隊飽食而進。每路兵分作兩隊,以防前後救援。一更之後,人啣枚,馬摘鈴,悄悄往漢營四面埋伏而去。但看火箭四面皆起,其營中之失與否皆勿論也。

卻說鐘離得勝回營,大勞三軍,論功行賞,將近三更方罷,牙將馮己進曰:'敵人雖敗,士卒尚多,今夜可防劫寨之患。''鐘離曰:'汝言正合兵法,吾自備之,汝在外更宜謹慎。'"馮己領諾而出。時至三更,忽後營火起,乃鐵拐所為也。值大風驟發,火逞風威,風加火勢,連燒大營。'軍士急救不能得滅。正值驚慌,蕃兵望見火起,放起火箭,四面伏兵,一齊鼓噪突入。漢兵馬不及鞍,人不及甲,望風奔走,自相踐踏,死者不計其數。鐘離提槍直出,正遇不聿,戰十合餘,見軍士亂逃,又不知敵兵多少,只得落荒而走。行不數十步,又被蕃兵攔住。後面不聿又到。正在危急,卻得馮己挺身殺入救出,未及脫身,坐下馬卻被箭射死。馮己奪蕃兵一馬與騎,走上山坡,回頭一望,只見營寨皆焚,黑夜如同白晝。全軍盡散,左右止得千人。大叫一聲,墜於馬下,馮己急忙扶起,背後邊兵又至,己曰:"將軍急行,吾自斷後。"鐘離乃放馬望山谷而去,蕃兵亦不追趕。餘話不題。